


PHETHAGALO

 . . . Le go ba mo go rapela mmogo le lena. Gomme bjale feela pele ga Molaetša, ke na le mogwera wa ka wa go loka mo godimo ga sefala bošegong bjo, Ngaka Lee Vayle, go tšwa go kereke ya First Baptist ka Lima, Ohia, yo e bego e le yo mongwe wa bathekgi ka tšhelete ba ka ka go kopano ya Lima. Ke mo kgopetše, ge ke etla tlase bošegong bjo, ge a ka no bolela lentšu go phuthego, mohlomongwe mabapi le kopano ya Lima, nakwana ye e latelago goba tše pedi. Gomme ke thabile go, thaba go tsebiša go lena bošegong bjo, Ngaka Lee Vayle, Mobaptist yo mongwe yo a nago le Moya wo Mokgethwa.

² [Ngwanešu Lee Vayle o bolela lebaka la metsotso ye lesomenne, go paka ka batho ba bantši ba ba fodišitšwego.—Mor.] Amene. Modimo a go šegofatše, Ngwanešu Vayle, le wena.

³ E bile gohle mo gabotse ga maatla go modiša wa Baptist, a ga se? Gabotse, re thabile kudu go ba le Ngwanešu Vayle le rena. Gomme ka kgonthe mabati a bulegile go yena go boa morago le go re etela nako efe kapa efe a kgonago. Gomme bjale bošegong bjo. . .

Bosasa bošegong ke—*Go Bolokwa* ga Morena Jesu.

⁴ Lamorena mosong ke tirelo ya go hlaba ga letšatši ya iri ya boselela. Gomme ke a dumela ngwanešu o tsebišitše karolo ya go ya pele ya tirelo.

Bjale a re rapeleng nakwana feela.

⁵ Morena wa go šegofala, Lentšu la Gago ke Therešo, gomme re leboga banna ba ba Le swarago, ntle le poifo, ge ba Le neela ntle go batho. Gomme ge re bula Beibele bošegong bjo, goba go phetla morago matlakala a Yona, a nke Moya wo Mokgethwa wa go šegofatša o tle gomme o bule Lentšu la kweišo go rena. Ka Jesu Kriste, re a e kgopela. Amene.

⁶ Bošego bjo bogolo bjo bjoo re bo ketekago, bja go bapolwa ga Morena wa rena wa go šegofala, ke rata go bala bošegong bjo go tšwa go dipounama tše bohlokwa tša Gagwe Mong, Mantšu ao A a ngwadilwego ka go Puku ya Gagwe. Ka go Mokgethwa Mateo, tema ya 4, re. . . gomme temana ya 47 le 48, re bala se:

Gomme ge o dumediša baena ba gago feela, o dira eng go phala ba bangwe? a balekgetho le bona ga ba dire bjalo?

Eupša bang ba ba phethagetšego, ebile bjalo ka ge Tataweno yo a lego ka legodimong a phethagetše.

⁷ Gomme bošegong bjo re file ntle gore re ya go bolela ka thuto ya *Phethagalo*. Bjale re. . . Seo se bonala e le sehlogo

sa go makatša go tšea bakeng sa bošego bja go bapolwa ga Morena wa rena. Eupša lehono, mohlomongwe, le be le theeditše seyalemoya, gomme le kwele melaetša ya go fapana le batseta ba go fapana, kafao ba hlagišitšego letšatši lela la go šiiša ge Morena wa rena a be a hwela dibe tša lefase. Kafao ke kgethile, bošegong bjo, go ya go dikologa tsela ya go fapana, go fihla go sona, kafao e tla ba go fapana gomme e ka le mpshafatša gannyane. Gomme a nke Moya wo Mokgethwa wa go šegofala o šušumetše Lentšu bjale ge re tšea matsapa go Le tliša.

⁸ Modimo o nyaka phethagalo. Re nyaka go bea seo ka mogopolong, gore ga go selo feela tsela seripa se ka kgonago go ya ka go Bogona bja Modimo. Bo swanetše go phethagala, borapedi bja rena, se sengwe le se sengwe.

⁹ Bjale, ka serapeng sa Edene, Modimo o be a na le Adama le Efa ka serapeng. Gomme ba dirile sebe le go tshela melao ya Modimo, ka go dira sebe, go se obamele. Gomme ge karogo e etla, go se obamele ke go tshela molao. Gomme molao wa Modimo, Yena e le yo mokgethwa, bokgethwa bja toka bja go se otswafatšwe, ka gona ga go sepatso sa go hloka bokgethwa se ka tsogego sa ema ka Bogoneng bja Gagwe. Kafao, ge sebe se tšile lefaseng ka karogo, gona sebe se swanetše go šogwa pele modiradibe a ka tsoge a ema ka Bogoneng bja Modimo.

¹⁰ Bjale, ge go se molao, gona ga go toka. Eupša molao o be o nyaka, goba, toka e nyaka molao. Gomme molao, ge o—ge o bitšwa pele, o tšweletša toka.

¹¹ Bjale, ka molao, ga go nama ye e phološwago. Bjale, molao ga o kgone go re phološa. Molao e be e no ba selo se se re beago ka kgolegong, eupša ga o na le maatla a go lopolla. Molao o re laeditše feela gore re be re le badiradibe, le go re ahlola. Seo ke se molao o se dirago. Ke go tliša kahlolo, goba go go laetša moo phošo ya gago e lego. Kafao molao, ka bowona, ga o kgone go phološa. O kgona feela go sekiša.

¹² Gomme Modimo, ka go ba yo mokgethwa le toka, O ile a swanelwa ke go sekiša. O ile a swanelwa ke go sekiša modiradibe ka gore o tšhetše mellwane ya mogau, gomme o bile modudi wa go roba molao. Ka gona, o swanetše go šogwa.

¹³ Gomme molao wo mongwe le wo mongwe o na le kotlo, ka gore, kotlo ya go tshela molao wa Modimo ke lehu. Gomme o ile wa swanela go tšweletša lehu go moloko wa batho. Gomme moloko wohle wa batho o ka tlase ga kotlo ya molao wo.

¹⁴ Bjale, ge Adama le Efa ba dirile sebe, go be go se tsela, go se kalafi ye nngwe gore ba be ba ka kgona go tsoge ba ema ka go Bogona bja Modimo gape, ntle le gore sebe se se šogwe. Gomme ga go motho yo a ka kgonago go dira sebe sa mohuta ofe kapa ofe, ga go tshwenye se sennyane bjang goba se segolo bjang, sebe se setee seo se swanetše go šogwa pele yo a se dirilego a ka kgona go tsoge a ema ka Bogoneng bja Modimo yo Mokgethwa.

15 Kafao, kagona, ge Adama le Efa ba dirile sebe gomme ba tshetše molao, ba be ba lebane le lehu. Gomme molao o ile wa swanelwa ke go dirišwa, ka gona o bea moloko wohle wa batho ka tlase ga kotlo ya lehu. Bjale ge re ka kgona feela go dula fase dinakwana di se kae bjale, ka megopolong ya rena, le go lebelela seswantšho se segolo se, le go elelwa gore motho yo mongwe le yo mongwe o akareditšwe ka go se. Monna yo mongwe le yo mongwe le mosadi, ngwana, o akareditšwe ka go kotlo ya lehu, ka karogo ya hlogo ya moloko wa batho, Adama; ka karogo ya gagwe, yo mongwe le yo mongwe wa rena o wetše go ba motšwasehlabelele wa sebe.

16 Gomme sebe se swanetše go šogwa. Gomme kafao, Modimo, ka go go hloka magomo ga Gagwe mo go golo le lerato le legolo la Gagwe. . . Molao e bile wa go aroganya modiradibe go tloga go Modiri wa gagwe; ka gona a ba wa go fedišwamoka, gomme go fedišwamoka ka go felela, go be go ka se be tsela ya gagwe go tsoge a tla morago ntle le ge sebe seo se šogilwe. Gomme go be go tla ba bonolo nako ye go dumela go phedišomoka ya modiradibe mafelelong, ka gore ka go felela o, go ya go ile o arogantšwe go tloga go Bogona bja Modimo.

17 Bjale elang hloko sebe se. Le kafao Modimo, ka go ba wa toka, gomme A ka se kgone go dira se sengwe gape eupša toka, ka gore Yena ke mothopo wa toka yohle, gona go ka se be selo gape go Yena go dira eupša go bea kotlo ya karogo ye. Gomme kotlo e be e le lehu, ka gore O rile, “Letšatši le o jago seo, letšatši leo ka nnete o tla hwa.” Bjale, ke seswantšho sa leswiswi re nago naso mo.

18 Eupša ka gona ge re eya morago feela kgojana gannyane, le go hwetša ntle tšona ditholwanakgopolo tša Modimo, Beibele pepeneneng e a re botša gore “Modimo ke lerato.” Eupša go le bjalo, ka go ba lerato, O swanetše go ba wa toka. Kafao, lerato ga le re feela selo se se ka phaphathwago le go bapala ka sona. Lerato ke toka ya Modimo.

19 Bjale, ge Modimo a bone gore bana ba Gagwe ba tshetše molao wa Gagwe, le gore ba swanetše go hwa lehu, nako yeo lerato la boikemo la gatela ka gare go dira tsela. Ka gobane, Modimo o bone gore bana ba ba be ba swanetše ka go felela, fedifedi ba fedišwemoka go tloga go Bogona bja Gagwe. Go be go se selo gape go dirwa, ka gobane ba be ba tshetše molao wa Gagwe, gomme kotlo ya molao wa Gagwe e be e le lehu.

20 Gomme ka gona lerato la Modimo le ile ntle bakeng sa balatedi ba Gagwe. Gomme ge lerato le Lekgethwa le tšweletšwa, mogau wa boikemo o tšweletša selo sa lerato. Gomme Modimo, ka tsebelopele, ge A ratile moloko wa Gagwe gabotse bjalo; go le bjalo, ka kotlo, O hlotše lehu la kemedi go direga ka tšhemong ya Edene. E bile gore, O dirile kemedi seboipiwa sa go hloka molato, kwana ye nnyane ye e bego e sa

tsebe sebe, gomme e ile ya ba kemedi, go šoma le go hwa legatong la modiradibe wa molato. Gomme e be e le kwana, e bolailwe, go swara bophelo bja balatedi ba Gagwe.

²¹ Gohle go kgabola Testamente ya Kgale ba be ba neela madi a dikwana le dipudi, dinku, dipoo le dithole, lehu la kemedi. Eupša, tšohle ka go ekonomi ya Modimo, go be go le morago ka mogopolong wa Gagwe Selo sa kgonthe se etla, e bego e tla ba. Tšona e be e le merithi ya Selo sa kgonthe se bego se etla. Gomme Selo sa kgonthe se be se etla, e be e le Morwa motswalwa noši wa Gagwe. Dikwana tšohle di hwilego e be e no ba morithi. Gomme morithi e no ba lehlakore le nekethifi la selo. Gomme di be di no bolela ka Khalibari e etla.

²² Bjale bakeng sa seswantšho sa se, a re buleng ka Dibeibeleng tša rena, go Puku ya Bahebere, gomme re tope godimo mo se Paulo, moapostola yo mogolo a se bolelago, go leka go re aroganyetša dilo tše. Ka go tema ya 10 ya Puku ya Bahebere, re bala se.

²³ Gomme ke no rata Lentšu! Lentšu ke Therešo. Gomme ke rata go Le bala pele ga phuthego ya ka, ka gore ke a tseba gore ka kahlolong ke tla ema le bona. Gomme ke swanetše go fa mabaka. Kafao ge ke E tliša go tšwa go Lentšu, gona nka se be le molato; ka gore Ke Lentšu, gomme Modimo o ikarabela ka Lentšu la Gagwe.

²⁴ Re bona bontši kudu lehono, bja baebangedi le go ya pele, ba aga godimo go dikologa bomotho. Oo, ke selo sa go goboga! Gomme re hwetša ntle, ka go ya ka dikerekeng, re ya ka gare ga kereke gomme o hwetša modiša yo a itšego, o na le tiro ye nngwe ye nnyane ya go se tlwaelege ka yena, maikutlo a mangwe a manyane. Ge o sa ele hloko, phuthego yohle e tla tšea moya woo. Ge a no ba le maikutlo gannyane, goba a kgothula hlogo ya gagwe, goba selo se sengwe sa go makatša se sennyane, gabotse, kereke ka moka e tla tšea go seo. Gomme re na le, lehono, ka go dikereke tša rena tša sebjalebja, moo e lego maikutlo le dilo tše nnyane go swana le seo. Gomme e na le tlhakahlakano ye bjalo! Eupša, oo, baena ba ka ba go ratega, ge fao go kile gwa ba nako mo re swanetšego go ba Lentšung, ke lehono!

²⁵ Le a bona, nka hloya go ema kahlolong le go tseba gore ke bile le se sengwe se sennyane se fenyekilwego sa kutollo ya go se tlwaelege, le go fapoša batho. Ga ke ba nyake ba eba le moya wa ka goba tiro ya ka, eupša ke ba nyaka ba ena le Moya wa Modimo ka Lentšu la Modimo, le le tšweletšago Therešo.

²⁶ Kafao ka go modiro wo mogolo wo bošegong bjo, ke rata go bala go tšwa go Lentšu la Modimo la ka Gosafelego. Bjale re a lemoga gore molao o bile gona lebaka la mengwaga ye mentši, eupša molao ga se wa kgona go tšea go tloša sebe. Bjalo ka ge ke boletše mo go fetilego, e be e no ba ntlo ya kgolego. E be e le lefokisi le legolo leo le bego le go botša se o bego o se dirile,

eupša o se na le kalafi go go lokolla. O go beile ka lebenkeleng la dilo tša kgale, eupša go be go se Molopolodi go go ntšhetša ntle, ka wona. O go bea feela ka teronkong, go go tsebiša gore o be o le modiradibe. Eupša bjale elang hloko ka go Bahebere, tema ya 10, ge re bala.

Ka gobane molao o be o na le morithi wa dilo tše botse di bego di etla, gomme e sego sona seswantšho . . .

²⁷ Elelwang, e be e le morithi wa seswantšho se se bego se etla. Morithi o tsebiša feela gore go na le seswantšho se dira morithi. “Morithi wa dilo tše di tlogo, gomme e sego sona seswantšho.” Elang hloko, “wa dilo . . .”

. . .sona seswantšho sa dilo, se ka se tsoge le dihlabelo tše o di bego di neelwa . . .go tšwelapele go dira motli go ya go phethega.

²⁸ Bjale, Modimo, mathomong, o nyakile phethagalo. Jesu, ge A etla lefaseng, o rile, “Bang ba ba phethagetšego, bjalo ka Modimo Legodimong ge a phethagetše.” Gomme molao, o na le morithi wa dilo tše di tlogo, o ka se tsoge wa dira morapedi go phethagala. A le hwetša seswantšho? Bjale a re e yeng gape gore o be le bonnete bja go se e foše. Modimo o nyaka bokgethwa bja go phethagala. Ga go yo a ka kgonago go ema ka go seswantšho sa Gagwe, ka lebatšana le lennyane la sebe. Jesu o hlatsetše sa go swana, gomme o rile, “Bang ba go phethagala, feela bjalo ka ge Modimo ka Legodimong a phethagetše.”

²⁹ Gomme Beibele e boletše gore, “Molao o ka se tsoge wa kgonaga, ka dihlabelo tša wona, go dira motli go phethagala.” Ka gona, molao o be o sa kgone go phethagetša le ge e ka ba eng. E be e no ba feela sešupi. Dihlabelo tše, di bego di dirwa ngwaga ka ngwaga, di be di ka se tsoge tša dira morapedi go phethega. Kafao ka gona, ga go yo motee ka tlase ga molao, goba go boloka molao, goba ka tlase ga merithi, a bego a kgonaga go phethagala.

Ka gore (temana ya 2) ka gona ga di ka be di se tša ema go neelwa? . . .

³⁰ Ge go le e ka ba eng se nka kgonago go se dira go dira nnamong ke phethagale ka go Bogona bja Modimo, gona Kriste o be a se a swanela go nkhwela. Ge go le selo setee o ka kgonago go se dira, seo se ka fago dimaraka go e ka ba eng ka go Bogona bja Modimo, gona Kriste o hwetše lefeela. Ga go go boloka molao, ga go dikgopolo tša semolao tša gago, ga go bokgethwa bja gago mong, ga go dilo tše o ka tlogelago go di dira, go tlogela go aketša, ga go tlogela go utswa, go tlogela go kgoga motšoko, go tlogela go ya dipontšhong tša diswantšho, o sa lahlegile. Ga go selo se ka e dirago! Go tšoenana dikereke, ditirelo, mediro, dikolobetšo, ditshepidišo tša kereke, go bala dithutotumelo, go bolela dithapelo, dilo tše tšohle di ka se bolele selo. O lahlegile! Ga go selo setee o ka kgonago go se dira ka go wenamong, ka gore o modiradibe ka tlase ga kahlolo. Gomme ga go tsela ka go

wenamong, goba thutotumelo ye e itšego, goba eng kapa eng o ka kgonago go e dira goba go nagana ka yona, ya gago mong, ye e ka fago maraka selo se tee ka go Bogona bja Modimo, ka gore o modiradibe sa mathomo.

³¹ Gomme Beibele e a bolela, gore rena bohle re tswetšwe ka seabeng, re kgoloketšwe bokgopong, ra tla lefaseng re bolela maaka. Gomme Modimo ga se a kgone go tšea monna o tee go hwela yo mongwe, ka gore yo motee o no ba le molato bjalo ka yo mongwe. Ka go Bogona bja Modimo, moatšhepišopo yo a tswetšwego ka go lefase le o be a no ba le molato bjalo ka tshipi ya fasefase ya go fofa ka toropongkgolo. Yo motee a ka se kgone go boelanya yo mongwe.

³² Ka gona, O tšere bophelo bja go hloka molato bja phoofolo, kwana ye nnyane. Gomme ka tlase ga Testamente ya Kgale, molao e be e le, ge motho a dirile sebe, o be a tliša kwana aletareng. E re ge a tšetše wo mongwe wa melao, o be a tliša kwana gomme o be a e bea godimo ga aletara, o be a bea diatla tša gagwe godimo ga kwana gomme a ipolela dibe tša gagwe, gore o be a le phošo gomme o be a tseba gore o be a na le molato. Wa . . . gomme o be . . . Molao o be o nyaka lehu. Gomme o tlišitše kwana legatong la gagwe. Gomme ge a . . . Mogolo wa phoofolo ye nnyane o be o ripša, gomme e thoma go raga maoto a yona a mannyane, e lla. Ge o kile wa bona kwana e bolawa, a sello sa go šokiša! Moisa yo monnyane wa go šokiša a leka go lla, gomme tšhikakgolo ya gagwe ye nnyane e ripša. Gomme ge a raga le go hunyela, gomme ge a otlologa ntle, le go hunyela gape le go lla. Gomme madi a a tšhologa, e hlatswa boya bja yona bjo bonnyane le diatla tša morapedi.

³³ Gomme ge morapedi a lemoga, ka go dira bootswa, go aketša, go utswa, e ka ba eng molato wa gagwe e bego e le wona, goba le go nagana mo go be, e ka ba eng e bilego ka go morithi wo monnyane, o be a na le molato, ka gore e be e le tlhago ya gagwe. O be a le motho wa molato, e sego mohlomongwe ka kganyogo, eupša ka tlhago o be a na le molato. Gomme o be a swanetše go lemoga gore kwana ye nnyane ye ya go hloka molato e hwile ka legatong la gagwe. Gomme o kwela selo se sennyane bohloko.

³⁴ Eupša monna, ka pela ge kwana mafelelong e hwile, ka madi a kwana godimo ga diatla tša gagwe, o sepetše go tloga moagong ka tumo ya go swana ka pelong ya gagwe, ye a bego a na le yona mathomong. Gobaneng? Ka gore bophelo bjo bo bego bo le ka go kwana ye nnyane . . . Bophelo bo dula ka mading. Bophelo bja gago bo ka mading a gago. Re tseba seo. Gomme bophelo ka go madi a kwana e be e le bophelo bja phoofolo, kagona ge didiramadi di be di thubega gomme bophelo bo eya ka ntle ga phoofolo, bo be bo sa kgone go tla morago go morapedi, ka gore morapedi e be e le motho.

35 Madi a be a dira seapešo, eupša a be a sa kgone go boelanya ka go phethagala; ka gore monna o tlogetše moago, ka tumo ya go swana ya sebe, bjalo ka ge a be a na le yona lefelong la pele. Eupša, go dira se, o be a lebeletše pele go nako ge go be go tla tla Kwana ya go phethagala. Gomme o e dirile go moneelo wa go tšhungwa, ka gore e be e le tsela e nnoši a bego a tseba ka yona.

36 Kafao, le a bona, ge madi a be a tšhologa, gomme bophelo bo ile go tšwa go phoofolo, bo be bo sa kgone go tla morago go monna; ka gore, ye tee e be e le phoofolo, yo motee e le monna; phoofolo ya go hloka molato, go monna wa molato.

37 Eupša, oo, letšatši le lengwe, mengwaga ye dikete tše pedi ya go feta, Kwana ya Modimo e ile ya tswalwa tlase ka gare ga legopo le lennyane ka Bethlehema, gomme a etellwa pele bjalo ka nku go ya tlabong ya yona. Mengwaga ye mengwe ye magkolo a lesomesenyane ya go feta, morago ga sekgalela se, ka iri ya boraro O ile a hwa. Gomme ya go hloka sepatso, ya go hloka bosodi Kwana ya Modimo ya lekelela godimo ga sefapano sa Khalibari le go hwela modiradibe yo mongwe le yo mongwe. Bjale ge morapedi a etla go Kwana ye, ka tumelo! Gomme wo ke mohuta wa go fapana wa Kwana. Ga se Kwana go swana le ye nngwe.

38 Ga go motho a ka kgonago go tla go Kwana ye, ntle le ge Modimo a mo goga pele. Le bona boikemo bja Modimo? Oo, ke a holofela se se nwelela fase go teba bjale. Lebelelang. Modimo o tsebile O be a na le dinku mo lefaseng le. O tsebile O be a eya go ba le batho ba ba tla phološwago, gomme lerato la Gagwe le lebeletše tlase le go bona bao ba bego ba tla phološwa; kagona, ka tselopele, O kgethetšepete Kereke go kopana le Yena ka mošola, ntle le sepatso goba lengalatsepa. Gomme ge Modimo a nyakile Kereke ntle le sepatso goba lengalatsepa, O ile a swanela ke go ba le se sengwe go e dira ka tsela yeo. O be a ka se kgone go e nyaka, toka ya Gagwe, dikahlolo tša Gagwe di be di ka se kgone go Mo dumelela go kgopela selo se sebjalo ge go be go se tsela go se dira.

39 Gomme motho a ka se kgone go e dira ka boyenamong. Ke mopallwi wa go felela. Modimo o mo dumeletše go bona seo ka molao, ka baahlodi, le go kgabola Testamente ya Kgale yohle. O rometše baprofeta, O rometše monna wa moloki, gomme ba hweditšwe ntle gore yo mongwe le yo mongwe o paletšwe.

40 Kafao, Modimo, ka mogau wa Gagwe wa go ikema, o rometše, go tšwa dikgorong tša Letago, Morwa motswalwa noši wa Gagwe, go tšea lefelo la rena.

41 Elelwang, ge A ka be a rile mopapa wa Roma a le tšee, o be a ka se kgone go e dira. Ge A ka be a rile moatšhepišopo wa Canterbury a e dire, o be a ka se kgone go e dira. Ge A ka be a biditše moruti tate yo mokgethwakgethwa kudu goba pišopo wa lefase, o be a ka se kgone go e dira. O be a tla ganwa kgole bjalo

ka ge Judase Iskariote a bile. O be a ka se kgone go e dira, ka gore o be a “tswetšwe ka sebeng, a kgoletšwe ka bokgopong, a tlile lefaseng a bolela maaka,” le go hloka poelano ya gagwemong.

⁴² Haleluya! Eupša fao go tlile yo Motee go tšwa dikgorong tša Letago; ga se yo mongwe, e sego monna, e sego monna wa go loka, ebile e sego Mojuda le ge e le Montle. O be a se selo sa fase go feta Ramaatlakamoka Modimo, a utilwe ka go nama ya motho. O tlile, Yenamong, go neela Madi a Gagwe Mong, ka gore A be a se a tla ka thobalano. Thobalano ga se e be le selo go dira le yona. Eupša O apešitše kgarebe ka morithi, gomme a tliša pele go tšwa go sele ya Madi yeo A e hlotšego, Yenamong, yo Motee wa go hloka molato.

⁴³ Ka gona phološo ya ka, ya gago, bošegong bjo, ga se ya lekelela godimo ga dimaraka tša mediro ya rena beng. E lekeletše godimo ga mogau wa boikemo bja maleba bja Ramaatlakamoka Modimo Yo a re kgethilego ka go Yena. Nnete. Ke be nka se tsoge ka phethagala, ebile o be o ka se tsoge wa phethagala. Gomme ga re tleleime go ba ba go phethagala. Eupša re na le khomotšo e tee ye, gore, tumelo ya rena e khutša ka go Sehlabelo se sekgethwa seo se šetšego se amogetšwe!

⁴⁴ Kagona re tseba bjang gore re hwetša Yeo? Ge morapedi a bea diatla tša gagwe, ka tumelo, godimo ga mmele wa Morena Jesu, le go ikwela bošoro bja sebe, le dikwero tša mare ka sefahlegong sa gagwemong, a ikwela metsetlo ya Getsemane, le mahloko a Khalibari, gomme a tseba gore o na le molato, gomme a ipolela dibe tša gagwe ka go nepagala, “O Morena wa go Šegofala, ke na le molato. Gomme ga ke na le tsela ye nngwe eupša Wena go nthuša. Gomme ka tumelo. . . O a laletša, Moya wo Mokgethwa, o tlile gomme wa ntaletša go tla. Gomme bjale nna, ka tumelo, ke amogela Jesu bjale ka Mophološi wa ka wa sebele.” Bophelo bjola bjo bo tšwago go Yena godimo ga Khalibari, bo bitšwa Moya wo Mokgethwa, bjo bo bego bo utilwe ka go sele ya Madi a Jesu Kriste, bo boela go morapedi le go mo kolobeletša ka Moya wo Mokgethwa, ka go Mmele wa Kriste.

⁴⁵ Gomme O šetše a ahlotše. Ga wa swanela go tshwenyega ka kahlolo. Ge ke retologa go lebelela go sefapano se sennyane sela, ke a lemoga gore, sela se emela mmele wa Gagwe. Gomme bjale mmele wola o šetše o ahlotšwe. Modimo ka toka a ka se kgone go o ahlola gape, ka gore o šetše o ahlotšwe. Modimo o rathile dikahlolo tša lehu godimo ga mmele wola. Gomme ge feela ke kgona go hwetša tsela go hwetša go utwa ka go mmele wola! Kahlolo ya gagwe e rathetšwe wena le nna. Re lokologile! Baroma 8:1, e rile, “Kagona bjale ga go sa na go lahlwa go bona ba ba lego ka go Kriste Jesu, ba ba sa sepelego ka nama, eupša ka Moya.” Ke lena bao, ga go go lahlwa! Ga ke tshwenyega se se tlogo goba se se yago, o utilwe ka fase ga Madi.

46 Gape, re tsena bjang ka Mmeleng wola? Bakorinthe ba Pele 12:13, e bolela gore, “Ka Moya o tee!” Moya o tla bjang? Ka Sehlabelo. Moya o be o robetše kae? Ka gare ga Madi. Gobaneng phoofolo e be e sa kgone go bowa morago? E be e le phoofolo. Moya wa phoofolo o be o sa kgone go tla go moya wa motho le go dira e ka ba eng go wona, ka gore moya wa motho o be o le mothalo wa godimodimo wa bophelo go feta phoofolo. Eupša ga go moya wa motho yo mongwe o ka kgonago go tla morago. Ge o na le moya wa modimo yo mongwe, ke sememoya. Eupša Modimo Yenamong o tlike, gore Moya wa Gagwe Mong, e lego mothalo wa godimodimo wa moya o lego gona, o kgone go tla morago ka sebopego sa kolobetše ya Moya wo Mokgethwa, go morapedi, ka Madi a Kriste, le go mo tšeela ka Mmeleng. O bolokegile.

47 Hlokomelang. Madi a dipoo le dipudi a be a sa šome, ka go bona gore a be a fokola. Bjale a re thomeng go bala, e ka ba temana ya 12. Go lokile. Madi a dipoo le dipudi a be a ka se šome, ebile a be a ka se boelanye. Hlokomelang.

Eupša monna yo, (Monna ofe? Pišopo? Aowa. Mopapa? Aowa.) . . .

Eupša monna yo, ka morago ga ge a . . . neetše sehlabelo setee sa sebe go ya go ile, o dutše fase ka go seatla sa go ja sa Modimo;

Go tloga nako yeo go ya pele o letile go fihla manaba a gagwe a dirwa bogato bja dinao tša gagwe.

48 A le loketše? A le loketše Lentšu? Theetšang Se, ka gona ke nyaka le Le dumelele go nwelela fase. Theetšang sekgauswi.

Ka gobane ka moneelo o tee, (e sego ngwaga ka ngwaga, e sego tsošeletšo ka morago ga tsošeletšo, e sego kopano ka morago ga kopano, e sego letšatši ka morago ga letšatši) . . .

Eupša ka moneelo o tee o p-h-e-t-h-a-g-a-d-i-t-š-e (ba bile? O dirile!) . . .

. . . ka moneelo o tee o phethagaditše (seo ke senyakwa sa Modimo) go ya go ile bona ba ba hlwekišitšwego.

49 Ke lena fao. Ke karabo go lehu la Kriste. Ke karabo go Khalibari. Yena ka go felela, ka Madi a Gagwe Mong, o rekile dibe tša rena, le go phethagatša go ya go ile, badumedi ba Gagwe. Kagona, ka go Kriste re ema re se ne bosodi, re phethagaditšwe ka go Bogona bja Modimo Ramaatlakamoka. Re batho ba go ba ka fase ga menyetla, ka dithuto tša rena beng; rena bohle re rutilwe gore re swanetše go tsoga godimo go lefelo le le itšego, re swanetše go dira selo se se itšego. Aowa, ngwanešu wa ka, ga se selo o se dirilego; ke se Modimo a go diretšego! Re sona bjale, ge re lokafaditšwe ka tumelo, re phethagaditšwe go ya go ile ka go Bogona bja Modimo.

⁵⁰ Ka gona Jesu o rile, “Ka gona bang ba go phethagala.” Ka gona, e phethagaditšwe go ya go ile. Modimo, ka lehu la Kriste, mengwaga ye makgolo a lesomesenyane ya go feta, lehono, o phethagaditše modumedi, yo A mmonetšegopele pele ga go thewa ga lefase, go ya go ile. Gomme bao A ba bidityego, O ba lokafaditše. “Bao A ba tsebetšegopele, O ba biditye; bao A ba bidityego, O ba lokafaditše; bao A ba lokafaditšego, O šetše a ba tagafaditše.” O phethagaditše badumedi ba Gagwe!

⁵¹ Bjale hlokomelang, a re boeleng morago bjale go temana ya 1.

...molao ka go ba le morithi wa dilo tše botse di bego di etla, gomme e sego sona seswantšho sa dilo tšeo, o ka se tsoge ka dihlabelo tšeo di bego di neelwa go tšwelapele wa dira motli go ya phethegong.

⁵² Hlokomelang “phethego,” ke se re bolelago ka sona.

Ka gore a di be di se tša swanela go kgaotšwa go neelwa? ka gore morapedi ge gatee a hlwekišitšwe o be a ka se sa ba le letswalo la sebe.

⁵³ O ra go reng? Lentšu *letswalo* fao, gomme nnete, tlhaloso, ke “tumo.” Gomme ge motho a etla, morapedi, ka maleba, pele ga Kriste, a bona tlaišego ya Gagwe, gomme a ineela yenamong go Kriste, gomme a re, “O Morena Modimo, ga go selo ka go nna se ka kgonago go boelanya, eupša ka bobjohle ke ithekgile go Wena,” gona Moya wo Mokgethwa o tla ka pelong ya motho, yona potšišo ya sebe e rarollwa go ya go ile, ka gore tumo ye nngwe le ye nngwe ya sebe e tšerwe go tloga go wena. Ka gore ge molao o ka be o kgonne go dira seo, tšona dihlabelo di be di ka se kgaotše; eupša ka gore o se wa kgona go e dira, Kriste o ile a swanelwa ke go hwa, go re dira re phethege.

⁵⁴ Bagwera, go dilo tše ntši re ka kgonago go di bolela bošegong bjo, ka phethagalo. Ka mehla re leka go gonya mahlo go tšwa go yo mongwe gape, go itira renabeng feela go ba ba bakgethwakgethwa gannyane go feta ka fao ba lego—ba lego. Eupša ge feela re lebeletše seswantšho, e no ba feela mogau wa Modimo gore ke rena ba re lego se re lego sona.

⁵⁵ Mo nako ye nngwe ya go feta, ka Ohio, ke ithutile thuto tsela ye thata. Ke be ke na le kopano tlase ka Ohio, gomme ke be ke dula ntle ka nageng. Ka baka la mašabašaba, ke be ke sa kgone go dula ka toropongkgolo.

⁵⁶ Re be re eja ka restoranteng ye nnyane ya Dunkard. Gomme baabi ba dijo ba bannyane ba go ratega bjalo, gomme ba apere ka go hlomphega, le go hlweka ka fao ba bego ba kgona go ba, bjalo ka sehumagadi kudu, ba be ba re abela. E be e le lefelwana le lennyane la legodimo, go ja ka lefelong le lebjalo. Khetšhe ya bona e be e le mabaibai. Gomme ka Lamorena ba be ba tswalela gomme ba eya kerekeng ya bona. Ke ila ka swarwa ke tlala, ke be ke eya go rera Lamorena morago ga sekgalela.

57 Gomme ke ile ka ya godimo go ye nnyane ya go tlwaelega . . . feela ya mehleng ye nnyane restorante ya Seamerika, go hwetša se sengwe go ja. Gomme ge ke tsene ka mojako, se ke se kwelego ke motšhene wa dipapadi o eya! Gomme go be go eme fao monna wa mengwaga ya ka, yoo mohlomongwe e bego e le monna yo a nyetšego, ka letsogo la gagwe go dikologa mosadi, a bapala motšhene wa dipapadi. Wona molao wa rena, tšhireletšo ya toko ya rena, ya diphahlo tša rena, o be a eme fale a senya selo se a bego a swanetše go be a se šireletša. Ka gore, ke kgahlanong le molao go kempola ka Ohio, go bapala motšhene wa dipapadi.

58 Gomme ka retologa le go lebelela thoko ya morago ya moago, fao go be go le sehlopha sa bašemane ba mahlalagading, gomme direkoto tša kgale tša morethetho pshikologa di le motšheneng, e bapala. Mohumagadi yo moswa a ka ba lesomeseswai ka bogolo, wa go hlweka kudu ka tlase ga sebopego sa gagwe bjalo ka mosadi. Eupša o be a eme fale ka roko ya gagwe e lekeletše fase ka pele, gomme yo motee wa bašemane bao ka diatla tša gagwe godimo ga mosetsana, mo di bego di se ga tšona. Gomme ba be ba kgoga le go nwa.

Gomme ka gopola, “O Modimo, O ka kgona bjang go se emela?”

59 Gomme ka lebelela godimo go la ka la go ja, ge ke kwele yo mongwe a dira ntle go ngunanguna mogogolo. Gomme fale go be go dutše mosadi yo mogolo, go molaleng masometshela a mengwaga, goba masomešupa a mengwaga bogolo. O be a apere ye nngwe ya diaparo tše nnyane tšeo tša matšhila, e ka ba tsela seripa godimo ga maoto a gagwe, gomme nama ya gagwe ya go tšofala ya go šokiša ya go šošobana e be e nno repha ka fao e bego e kgona go ba. Gomme o be na le godimo meikapo wo wa dipounama, le selo se segolo se sephepholo ka thoko ga sefahlego sa gagwe, se pentilwe; a apere para ye nnyane ya dieta, diramphašane, ka dinala tša menwanamaoto tše phepholo, di pentilwe; dinala tša menwana tše phepholo, di pentilwe. Gomme moriri wa gagwe o be o ripilwe bokopana ka kgonthe, gomme e le dikhele, a tailwe bolou. Gomme ka mo lebelela.

60 Gomme go kgabaganya tafola go be go dutše monna ba babedi, ba tagilwe. Yo motee wa bona (e be e le nako ya selemo) ka jase ye kgolo ya kgale ya mašole godimo, ka mmofolana wo mosehla o tatilwe go dikologa molala wa gagwe, le maledu mogohle godimo ga sefahlego sa gagwe, a kgeba a tšwelapele. Gomme ba itloša ka bonabeng, monna o dirile, go tloga go yena, le go thoma go sepelela ntle ka mokgwa wo, go ya ntlwaneng.

61 Ke be ke eme fale. Gomme ke rile, “Modimo, gobaneng O sa senye selo sohle? Gobaneng O sa no se pitimetša ka tlase ga lefase?” Ka re, “A Sarah wa ka yo monnyane le Rebekah ba ya go swanela go gola ka tlase ga selo se se bjalo ka seo?” Ka re, “O ka kgona bjang, Modimo, ka go bokgethwa bja Gago bjo bogolo, wa

tsoge wa ema go lebelela go selo se sebjalo ka seo, gomme wa se romele tšhišinyego ya lefase le go se pitimetša?”

⁶² Gomme ge ke be ke eme fao, ke ahlola mosadi, ge ke be ke dira, ke ile ka gatela morago ka morago ga lemati. Ke ikwetše Moya wa Modimo o etla go nna, gomme ka gatela ka morago ga lemati.

⁶³ Gomme ke bone se sengwe bjalo ka sesaesedi. Gomme ge se bile, ka ponong, e be e le lefase le retologa go dikologa le go dikologa. Gomme bjalo ka ge ke etše hloko, go dikologa lefase go be go le mothalo wo mohubedu, go dikologa lefase. Gomme ge ke fihla go lefase, ke bone nnamong, feela mošemane yo monnyane, ke dira dilo tše ke bego ke se ka swanela go di dira; mohlomongwe e sego ka mokgwa woo, eupša e be e le sebe. Gomme nako le nako ge ke dirile eng kapa eng, ke bone morithi wo mogolo wo moso wola o eya go leba Legodimo. Moo, Modimo a ka be a mpolaile ka motsotso woo.

⁶⁴ Ka gona ke bone go eme gare ga ka le Modimo, go be go eme Sehlabelo sa go phethagala. Ke Mmone a eme kua ka meetlwa godimo ga hlogo ya Gagwe, gomme mare a lekeletše godimo ga sefahlego sa Gagwe. Gomme nako le nako dibe tša ka ge di be di thoma go leba go Modimo, O be a obeletša ntle le go se swara, bjalo ka pampara godimo ga koloi. O be a ntšhireletša go tloga go lehu. Gomme nako le nako ge ke be ke dira e ka ba eng ya phoše, Modimo a ka be a mpolaile. Ka kgonthe, bokgethwa bja Gagwe bo a le nyaka. Molao wa Gagwe o a le nyaka. Gomme nako le nako ge ke be ke dira e ka ba eng, goba o dira e ka ba eng, Madi a Jesu Kriste a dira bjalo ka pampara. Gomme ke bone mothalo wo mohubedu wola o be o e ra seo, gona, Madi a le a sa swere lefase.

⁶⁵ Gomme ge ke be ke eme, ke lebeletše, ke ile kgauswiwswi gannyane go Yena ge ke Mo etše hloko. Gomme ke kgonne go Mo kwa a re, “Tate, mo lebalele, ga a tsebe se a se dirago.” Gomme ka lebelela fase, gomme fao go be go robetše puku. Gomme go be go le Morongwa wa go ngwala fao, gomme a eme lehlakoreng la Gagwe. Gomme nako le nako ge ke be ke dira sebe, se be se bewa godimo ga puku. Gomme leina la ka le be le le godimo ga yona. Gomme ke ile ka lemoga gore letšatši le lengwe, nna. . . mothalo wola wa Madi o tla emišetšwa godimo gomme ke tla swanelwa ke go ema ka go Bogona bja Modimo, ka bophelo bja ka bja sebe. Eupša, ke bone, ka kgaogelo ya Gagwe O be a thibetše kahlolo ya ka.

⁶⁶ Ke ile go Yena, ka go kokobela. Ka khunama ka matolo a ka, gomme ka re, “O Jesu, Wena Morwa wa Modimo, ga ke na le maswanedi go tla ka go Bogona bja Gago. Eupša Wena ka kgopelo a o tla ntebalela se ke se dirilego?”

⁶⁷ O ile a kgwatha lehlakore la Gagwe ka seatla sa Gagwe, a tšea puku ya kgale gomme a ngwala “o lebaletšwe” godimo ga

yona, a e lahlela morago ka morago ga Gagwe, gomme dibe tša ka di be di ile! Morago A ntebelele, ka tlhokofalo ka sefahlegong, O rile, “Bjale ke go lebaletše, eupša o nyaka go mo ahlola.” Ka gona ke bone se e bego e se ra.

⁶⁸ Ge ke tšwela ka ntle ga pono, ke sepeletše godimo go yena. Ka re, “O dira bjang?”

⁶⁹ O be a enwa. O ile a lebelela godimo go nna, gomme a re, “Oo, halo.”

Ke rile, “A nka dula fase?”

O rile, “Ke na le bafelegetši.”

⁷⁰ Ke rile, “Ga ke e re ka tsela yeo, mohumagadi. Ke no nyaka go bolela le wena, motsotso.”

O rile, “Dula.”

⁷¹ Gomme ke rile, “Mohumagadi, feela metsotso e se mekae ya go feta, ge ke be ke eme ka kua morago ga lemati. . .” Ka thoma go mmotša. Gomme ge ke thoma go lebelela, megokgo ya thoma go keleketa go theoga marama a gagwe. Gomme a mpotša. . . Ka re, “Mohumagadi, ga o re go dira dilo tše. Jesu o hwile, gomme dikahlolo tša Modimo di thibetšwe ke Madi a Gagwe. Ga o re go dira se.”

⁷² Gomme a re, “Aowa, mohlomphegi.” A re, “Tate wa ka e be e le letikone ka kerekeng. Ke godišitšwe ka lapeng la Mokriste. Monna wa ka le nna re be re le maloko a bahiriši, gomme re phela bophelo bja Bokriste.” A thoma go mpotša, morago ga lehu la gagwe. . . O be a na le basetsana ba babedi ba bannyane, gomme a lahlega. Gomme ka fao basetsana ba mo tlogetšego, gomme a lahla bophelo bja gagwe. Gomme a gopola go be go se sa na le kholofelo go yena.

⁷³ Eupša ke rile, “Modimo, ba le kgaogelo! ‘Bao A ba tsebilego pele, O ba biditše.’”

O rile, “A o Moruti Branham, go tšwa tlase kua?”

Ke rile, “Ke nna.”

⁷⁴ O rile, “Ke lewa ke hlong ka nnamong, go be ke dutše mo ka mokgwa wo.” O rile, “A o nagana go na le sebaka sa ka?”

⁷⁵ Ke rile, “Jesu o na le matsogo a Gagwe a otlologetše ntle, a go letetše gore o tle, mohumagadi.” Gomme batho ba bangwe ba thoma go tšea godimo. Gomme ka re, “A o ka sepelela ntle mo godimo ga lebatso le le nna?”

O rile, “Ke tla dira, mohlomphegi.”

⁷⁶ Ke ile ka mo tšea ka seatla. Ka re, “O ka ba wa mengwaga ya mme wa ka. A o ka khunama mo le nna, godimo ga lebatso?” Gomme fao ka lebatong, re ile ra phatlola godimo lefelo leo morago ga sekgalela seo, go kopano ya fešene ya kgale. Gomme Modimo o phološitše mosadi yoo, ka mogau wa Gagwe. O ile a

ikapeša yenamong gomme a tla kopanong, gomme, bokgole bjo ke tsebago, o phela bophelo bja Bokriste bošegong bjo.

⁷⁷ Ke eng? Oo, Modimo o nyaka phethagalo! O nyaka tshokologo ya gago. O nyaka potego ya gago go Yena. Eupša O lebeletše bošegong. Ga go tshwenye o dirile sebe gakaakang, bonnyane bjang goba bontši bjang, o sa no ba modiradibe, gomme o ka se kgone go tsena ka gare ka tsela ye nngwe eupša ka Jesu Kriste, Sehlabelo sa Modimo sa go lekanelamoka. Gomme ka go Yena o phethagatšwa go ya go ile. Nagana ka yona! Ga se selo o se dirago. Ga se matlakala a maswa o a phetlago. Ga se bophelo bjo boswa o bo thomago. Ke boipolelo bja phošo ya gago, le mogau wa Modimo go wena. Seo se go tliša go phethagalo, gomme ka gona o phethagatšwa ka go Jesu Kriste.

⁷⁸ Ke a tshepa, bošegong bjo, mogwera wa ka, ge re sa le mo ka go nakwana ye bohlokwa ye kgolo ye bjale, ge diphetho di swanetše go dirwa ka morago ga go kwa kanegelo ye. O ka no ba o se wa ke wa ekwa pele. Eupša o ka se tšwele ka ntle ga le tee la mamati motho wa go swana a tlilego ka gare, o swanetše go tšwela ntle o le yo mokaonekaone goba yo mobemobe.

⁷⁹ Gomme ge re sa inamiša dihlogo tša rena nakwana feela, ke le nyaka le nagane ka maatla ka yona. Go reng ka soulo ya gago bošegong bjo? Jesu Kriste o hwetše wena.

⁸⁰ O re, “Ngwanešu Branham, ge nka kgona go tlogela go kgoga, ge nka kgona go tlogela go nwa, ge nka kgona go otlolla selo se godimo, ke tla e dira.” Oo, e ka se tsoge ya dirwa gabotse. O ka se tsoge wa kgona go e dira. O reng o sa no tla ka tsela ye o lego? Gomme, ka tumelo, eya go Moela, dintho tša gago di elago di o fago, gomme lerato la go lopolla go ba kgwekgwe ya gago, gomme e tla ba go fihla o ehwa.

⁸¹ Gobaneng o tšea kemedi? Gobaneng o leka go tsena ka gare ka kereke ya gago? Gobaneng o leka go tsena ka gare ka gore o tlogetše go nwa goba o tlogetše go aketša? Tlaa ka tsela ya phethagalo! “Ka gobane, ka Sehlabelo setee, O phethagaditše go ya go ile bao ba hlwekišitšwego.”

“Ke hlwekišwa bjang?”

⁸² Ipolele dibe tša gago ka go Bogona bja Madi a Jesu; gomme Bophelo bjo bo tšwago go Madi ao, bo tla morago go morapedi, gomme bo mo hlwekiša go tšwa go ditumo tša dilo tša lefase. Ka gore, ka Sehlabelo sela sa go lekanela moka, O re hlwekišitše; Moya o tee, bohle re kolobeditšwe ka go Mmele o tee. “Bjale ga go sa ne go lahlwa go bona ba ba lego ka go Kriste Jesu, go bona ba ba sa sepeleng ka morago ga nama, eupša Moya.” Ge o leka go sepela ka Moya, gomme o sa lakatša nama, Sehlabelo ga se sa be sa šomišwa ka go lekanela go wena. Eupša morapedi ge gatee a hlwekišitšwe, ga a sa na le tumo ya sebe.

⁸³ Yeo e be e le Khalibari. Ga se lefelo la go rekiša matšoba, goba lefelo le lennyane go dira *se* goba *sela*. E be e le lefelo moo

Modimo le motho ba ilego ba boelanywa. E be e le lefelo moo khutšo le polokego ya phethagalo di ilego tša tlišwa go motho. A le ka kgona go ya le nna, bošegong bjo, mogwera modiradibe wa ka, Khalibari, gomme ka tumelo wa šomiša Madi a go soulo ya gago mong, le go dumelela Moya wo Mokgethwa go tla le go go hlwekiša ka Sehlabelo se segolo sa Gagwe?

⁸⁴ Pele re rapela, a o ka phagamiša seatla sa gago go Modimo, le go re, “E ba le kgaogelo go nna, Modimo. Bjale ke ipolela dibe tšohle tša ka, godimo ga bošego bjo bja Labohlano le Lebotse. Gomme ke leboga tlaišego ye kgolo yeo Kriste a e diretšego nna. Nna bjale ke gafela thato ya ka mong, maikaelelo a ka mong le se sengwe le se sengwe, go go latela Wena go tloga letšatši le, go ya pele.” A o ka phagamiša seatla sa gago, wa re, “Nkgopole, Ngwanešu Branham, ka thapelong. Seo ke sephetho sa pelo ya ka”? A go na le yo a itšego, bošego bjo bogolo bjo, ge re sa letile nakwana feela? Godimo mo ka lehlakoreng la ka la go ja, nnete go le letee go bapela kua. A o lewa ke hlong ya dibe tša gago? A o lewa ke hlong ya se o se dirilego?

⁸⁵ Lefase bošegong bjo le lebeletše bagale. Gomme le na le bagale, go bolela mmele.

⁸⁶ Letšatši le lengwe mošola ka Switzerland, ge Maswiss Switzerland e be e rathagane, mokgatlo wo monnyane wa Maswiss wa kgobokana ntle ka mašemong, go šireletša—go šireletša ekonomi ya bona. Madira a magolo ao a bego a etla e be e le a magolo kudu go bona; ba be bohle ba hlahlilwe, ba na le marumo a magolo le dikotse. Maswiss ba be ba ka se kgone go dira selo eupša go lahlela toulo. Ba be ba rakeletšwe kgahlanong le thaba. Kagona go bile mogale yo a gatetšego ntle. Yo mongwe o be a swanetše go hwa. Gomme ge ba lahlegetšwe ke ntwā . . .

⁸⁷ Ba be ba se na le selo eupša magale a kgale a disekelela, le matlapa, le diphata, go lwa ka tšona. Ge, madira ao a bego a etla a be a lebege bjalo ka leboto la ditena. Ge ba be ba tšerwe, basadi ba bona ba bannyane ba go ratega ba be ba tla katwa, basetsana ba bannyane ba be ba tla katwa, masea a bona a be a tla bolawa, dihlogo tša bona di be di tla pšhatlaganywa, magae a bona a be a tla ya, se sengwe le se sengwe se be se tla lobja.

⁸⁸ Ka gona fao go be go le monna, yo leina la gagwe le lebalegago ka pela kudu, ka leina la Arnold von Winkelried. O ile a gatela ntle, gomme a re, “Monna wa Switzerland, letšatši le ke neela bophelo bja ka bakeng sa Switzerland.” O rile, “Feela ka godimo ga thaba mošola go na le legae le lennyane le lešweu. Ke na le mosadi le bana ba bararo ba ntetetše. Eupša ba ka se tsoge ba mpone gape, ka gore, letšatši le ke neela bophelo bja ka bakeng sa Switzerland.”

Ba rile, “O tla dira eng, Arnold von Winkelried?”

⁸⁹ O rile, “Ntateleng, gomme dirang bokaonekaone kudu le ka kgona ka se le swanetšego go dira ka sona.”

⁹⁰ O ile a lebelela ka godimo ga madira go fihla a hweditše marumo a makotokoto kudu a wona. Ka gona a phagamiša diatla tša gagwe godimo ka moyeng, a kitimela go leba leboto le legolo lela la marumo, gomme a goelela, “Direlang tokologo tsela! Direlang tokologo tsela!” Lekgolo la marumo la go swara tlhaselo ya gagwe; o ile a lahlela matsogo a gagwe ntle le go a kgobela ka go difaro tša gagwe mong, ao a ile a mo pinyeletša fase, gomme o hwile mafelelong a marumo ao. Maswiss ao a ile a mo latela ka ditulamešidi le mapara. Pealatšo ye kgolo ya bogale e ile ya gakantšha manaba, go fihla Maswiss ba ba fenyetša ka ntle ga naga. Gomme ga se ba ke ba tsoge ba bile le ntwaga e sa le go tloga letšatši leo, ge e sa le.

⁹¹ Ema godimo ka Switzerland gomme o bolele leina la Arnold von Winkelried, o tla bona megokgo e theoga marama a bona. Gobaneng? O phološitše naga ya bona. E bile modiro wa mogale wo mogolo. Ga go wo o bapetšwego le wona, gomme ga se wa tsoge wa fetwa, ka go lefase le.

⁹² Eupša, oo, e be e le wo monnyane go se se diregilego letšatši le lengwe! Ge moloko wa Adama o eme, matimone a matšhetša ka gare go tšwa lehlakoreng le lengwe le le lengwe, baprofeta ba be ba paletšwe, molao o be o paletšwe, sehlabelo sa dipoo le dikwana se be se paletšwe, tlhago ya motho e be e paletšwe, se sengwe le se sengwe. Gomme moloko wa Adama wo monnyane o be o eme, o fentšwe; e fentšwe ke bodiabolo, ditumelokhwelo, go babja, malwetši. Fao go bile yo Motee o gatetše ntle go tšwa Legodimong, gomme a re, “Letšatši le Ke tla hwela moloko wa Adama.” O tlile lefaseng gomme a dirwa nama. O lebeletše thwi tlase fao bogare bja marumo e bego e le leswiswiswi. Lona leswiswiswi la dipoifo tšohle tša motho e be e le lehu, gomme O tšeetše lehu ka difarong tša Gagwe. Gomme godimo ga Khalibari O lefile sehlabelo, gomme a goelela. “Direlang Tokologo tsela!”

⁹³ Gomme O goeeditše go Kereke ya Gagwe, “Tšeang Se Ke le tlogeletšego, Madi a Ka le Moya wa Ka, gomme le lwe ka e ka ba eng le nago naso.” Re ka kgona go fenya bošegong bjo, ka Seo, mogwera. O ka kgona go raka diabolo go tloga go wena. Lenaba le lengwe le le lengwe la kgale le le lego ka bophelong bja gago, le ka kgona go rakelwa ntle ka Madi le ka Moya wa Kriste, gomme le ka kgona go ema le phethagetše ka go Bogona bja Gagwe. Kriste o dirile tsela!

⁹⁴ A o ka dira gagolo bjalo ka go phagamišetša letsogo la gago go Yena, le go re, “Ntshwarele”? Modimo a go šegofatše, ngwanešu. Yo mongwe gape, “E ba le kgaugelo go nna, Modimo, bjale ke ipolela diphošo tša ka?”

⁹⁵ A go na le maloko a kereke a bololo ba ba yago kerekeng letšatši ka letšatši, gomme mohlomong ba leka go ba ba ba kgethwa ka mo ba ka kgonago go ba, eupša go le bjalo o tseba

pelwapelwana yela le phapano, le boitebelelanoši, mekgwa e go kgomaretše fase go fihla o se na le phenyo? A o ka nyaka go hlwekišwa ke Madi, bošegong bjo, go tšwa go seo sohle? “Kagore morapedi gatee ge a hlwekišitšwe ga a sa na le letswalo. . .” A o ka rata go phagamiša seatla sa gago, wena leloko la kereke? Modimo a go šegofatše, mohumagadi. Phagamiša diatla tša gago gomme o re, “Ngwanešu Branham, nkgopole ka thapelong.” Modimo a go šegofatše, mohumagadi. Yeo ke nnete. Yeo ke kgonthe. . . Seo ke selo sa kgonthe go dira. Modimo a go šegofatše morago fao, mohlomphegi.

⁹⁶ Yo mongwe gape phagamiša seatla gago, e re, “E ba le kgaogelo go nna, Modimo. Ke a tseba ke bolela Bokriste, eupša ga ke bo phele. Ke a tseba ga ke dire. Gomme ka pelong ya ka, ka nnete ga ka loka le Wena. Ke nyaka go ba yo motee wa bakgethiwa ba Modimo. Ke ikwela ka pelong ya ka gore ke yena, eupša ga se ka ke ka beela ka thoko maima ao a nnyamišago gabonolo. Gomme ke nyaka go a beela ka thoko bošegong bjo. Gomme, ka mogau wa Modimo, ke tla e dira. Nthapelele.” A o ka phagamiša seatla sa gago? Modimo a go šegofatše, mohumagadi. Yo mongwe gape. Feela gannyane, re letile.

⁹⁷ Ge re sa letile ka go homola, yo mongwe le yo mongwe bjale ka dihlogo tša lena di inamišitšwe ka thapelong, ka boleta hamang ye bjale.

Go na le Mothopo o tladišwe ka Madi,
A ntšhitšwe go tšwa tšhikeng ya Imanuele,
Gomme badiradibe ba phonkgela ka tlase ga
Gagwe. . .
Ba lahlegelwa ke patso ya molato,
lahlegelwa. . .

⁹⁸ A o ka se nagane go e fetša feela bjale? O se ke wa leka go e hlatswa go tloga. Kriste o seatleng sa gago.

⁹⁹ Pilato o e lekile, mosong wo, go bapela e ka ba iri ya boselela; eupša diatla tša gagwe di sa thankgetše madi, molato wa madi. Le tseba se se diregilego go yena. O ile godimo ka Switzerland, mengwaga ye mentši moragorago, a lahlegelwa ke tlhaologanyo ya gagwe, a iphonkgetša ka boyenamong go ya lehung ka mogobeng wa meetse. Mosong wo, ka Switzerland, makgolo a batho a tla go bogela tiragalo, meetse a bolou a belela godimo go tšwa botebong bja molete wo mogolo wola wa meetse. Ba e dira ngwaga wo mongwe le wo mongwe. Ke nonwane ya kgale, ba bolela gore Modimo o ganne meetse go hlwekiša diatla tša gagwe.

¹⁰⁰ Ngwanešu, ga go tshwenye gore o kolobeditšwe makga a makae, e ka ba eng o lekago go e dira, ga go selo se tla hlwekišago diatla tša gago eupša Madi a Kriste. Modimo o a ganne. Gomme meetse a bolou, ka morago ga mengwaga ye dikete tše pedi, bokgauswi, a sa belela godimo. Modimo o a e gana. Tokafatšo

ya gagomong e ka se kgone go hlwekiša dibe tša gago. E sego selo eupša Madi a Jesu! Nagana ka yona bjale. Re ya go rapela, feela nakwana.

¹⁰¹ Ke a makala ge nka kgona go botšiša se sengwe bošegong bjo. Ge A be a eme fale ka holong ya Pilato ya kahlolo, mosong wo, gomme o rile, “Ge Mmušo wa Ka e ka be e le wa lefase, Ke be ke tla bolela le Tate wa Ka thwi gomme O be a tla Nthomela madira a dikgao tše lesomepedi a Barongwa.” Ge, yo motee wa bona a ka kgona go senya lefase. “Ke be ke tla bolela le Yena, gomme dikgao tše lesomepedi tša Barongwa di be di tla ba thwi go Nna.” A ka be a e dirile. Eupša O eme kua, boleta le go kokobela, go tšea lehu la gago le go tšea dibe tša gago.

¹⁰² A o ka leboga Sehlabelo seo go lekanela bošegong bjo, lena ba le se hlokago, le go hloka ditšhegofatšo tša Modimo, a le ka ema ka maoto bakeng sa thapelo ye? Enong go ema godimo ka maoto a lena, lena ba le nyakago go gopolwa ka thapelong ye, le re, “Modimo, baa le kgaogelo go nna. Ke na le molato, ke dirile dilo ka phošo, gomme bjale ke nyaka go amogela tebalelo ya ka ka Kriste Jesu.” A le ka tla go maoto a lena feela ka nako ye? Modimo a go šegofatše, mohumagadi yo monnyane. Yeo ke tutuetšo. E no fele o eme fao.

¹⁰³ A o nyaka go mpošša o phagamišitše seatla sa gago, gomme ka gona ga wa hlokofala go lekanela go ema ka maoto a gago? Ke botse bofe Ebangedi e kilego ya bo dira go wena? Oo, papadi ye bjalo le kereke, go bapala le Modimo! Iri ka pela e batametše, le lengwe la matsatši a pomo ya athomo e tla ratha go dikologa mo felotsoko, ka go le letee la mafelo a magolo a a puere. Go ka se be le motsotswana wa phatlogo o tee go nagana godimo. Go tla ba thari kudu nako yeo, gomme mohlomongwe pele ga Paseka ye e latelago, goba ebile Paseka ye. A o ka se emelele bjale, o re, “Modimo, e ba le kgaogelo go nna, modiradibe. Bjale ke amogela Kriste, ka go ineela Yenamong bjalo ka seloba sa dibe tša ka. Gomme ka mogau wa Gagwe, gomme mogau wa Gagwe o nnoši, ke dula ka Bogoneng bja Modimo.” A o ka ipolela phošo ya gago? Yo a ka utago dibe tša gagwe a ka se atlege. Yo a ipolelago sebe sa gagwe, o na le kgaogelo. Go tšwa go wena. O bogetše.

¹⁰⁴ Bjale, Morena wa rena wa go Šegofala, ka go palo ya maleba bošegong bjo go eme disoulo tše di sokologago tše tharo, monna o tee le basadi ba babedi.

¹⁰⁵ Bjalo ka ge ke nagana, Morena, ka Khalibari, ge yo motee ka lehlakoreng le letee, a rile, “Morena, o nkgopole ge O etla ka Mmušong wa Gago”; yo mongwe o rile, “Ge O le, a re bone mohlolo, re fološe go tloga sefapanong gomme o phološe Wenamong.” Gomme yo mongwe o rile, “Modimo, e ba le kgaogelo go nna.” Gomme hlogo ya Gago e retologetše go lehlakore la go ja la sona, gomme wa re, “Lehono o tla ba le Nna

ka parateising.” Eupša O be o homotše go yo mongwe, ka gore go be go se tshokologo.

¹⁰⁶ Gomme, Tate Modimo, ke a rapela gore ba mohlomongwe. . . Ke a tshepa gore e no ba ba bararo ka moagong, ba ba ikwelago gore ba nyaka go ipolela diphošo tša bona. Eupša gore ba tliile go tsela ya go lekanelamoka, ya tsela ya sefapano. Ba lebalele, Morena, le go ba šegofatša. Ba eme mo bošegong bjo; bjalo ka ge O ba emetše, ka holong ya Pilato ya kahlolo; bjalo ka ge O ba emetše, gare ga Magodimo le lefase, ge letšatši le ile fase gomme ngwedi wa se ke wa neela seetša sa wona, gomme seširo sa tempele sa kgeilwa go tloga godimo go ya fase. Ke a rapela, Modimo, gore O tla ba šegofatša le go ba fa dikgaogelo tša Gago, le go ba hlwekiša ka Madi a Gago. Gomme wa ba kolobetša ka Maatla a Gago a go hlwekiša, ka go Mmele wa Morwa wa Gago Mong, Kriste Jesu, ka gona ba boloketšwe nako le Bokagosafelego. Šegofatša ba bangwe ba ba ikwelago gore ba gabotse, gore ba šetše ba kopane le se le go dira bjalo. Ke rapela ditšhegofatšo tše go bona, ka go la Kriste Leina. Amene.

¹⁰⁷ Modimo a le šegofatše. Gomme lena ba le emego kgauswi le bao ba emetšego godimo, obeletšang godimo gomme le šišinye diatla tša bona, yo mongwe, gomme le re, “Morena a go šegofatše,” yeo ke nnete, bjalo ka seatla sa kopanelo.

¹⁰⁸ Re no ba bjale thari gannyane ka go ditirelo tša rena. Ke ba bakae ba ratago Morena Jesu, phagamiša seatla sa gago? Ke a makala, ka setu bjale, goba feela go homola mo go ka kgonegago, ka go gopola Yena e lego motlalagohle, Yo a lego mo bošegong bjo, ge re ka kgona go opela ka boleta.

E be e le tlase sefapanong mo Mophološi wa ka
a hwilego,
Tlase mo ke lletago tlhwekišo go tšwa sebeng;
Fao go pelo ya ka (ge o fihleletše senyakwa, o
beile diatla tša gago godimo ga Yona), fao go
pelo ya ka Madi a tloditšwe;
Oo, letago go Leina la Gagwe!

A re opeleng ka boleta bjale, ge re inamišetša dihlogo tša rena go Yena.

Tlase sefapanong mo Mophološi wa ka a
hwilego,
Tlase mo ke lletago tlhwekišo go tšwa sebeng;
Fao go pelo ya ka Madi a tloditšwe;
Letago go Leina la Gagwe!

Letago go Leina la Gagwe, Leina le bohlokwa!
Letago go Leina le bohlokwa!
Fao go pelo ya ka Madi a tloditšwe;
Letago go Leina la Gagwe!

109 Bjale ka go homola, ka dihlogo tša lena di inamišitšwe. Lena bao le phološitšwego, e reng, “Oo...” Phagamišetša seatla sa gago godimo bjale.

Oo, Mothopo wo bohlokwa wo o phološago go tšwa sebeng!

Ke thabile bjalo ke tsene ka gare;

Fao Jesu o a mphološa le go mpoloka ke hlwekile;

Letago go Leina la Gagwe!

Letago go Leina la Gagwe le bohlokwa!

Letago go Leina la Gagwe le bohlokwa!

Fao go pelo ya ka Madi a tloditšwe;

Letago go Leina la Gagwe!

110 Bjale ka diatla tša lena fase, dihlogo tša lena di inamišitšwe. Ke nno gopola; yo mongwe o beditše dinakwana di se kae tša go feta, gomme o rile yo mongwe o be a nyaka go gopolwa bošegong bjo ka thapelong, bakeng sa mmele wa bona. Ga se ba kgona go tla morago go kopano ya Lamorena bošego, bakeng sa tirelo ye kgolo ya phodišo. A le ka ema ka maoto a lena, lena bao le nyakago go gopolwa ka thapelong yeo feela bjale?

...go pelo ya ka Madi a tloditšwe;

Letago go Leina la Gagwe!

Letago go...

111 Bjale ka dihlogo tša lena di inamišitšwe. “O gobaditšwe ka baka la dikarogo tša lena, o tlapirigantšwe ka baka la bokgopo bja lena, kotlo ya khutšo ya lena e be e le godimo ga Gagwe, ka megogoma ya Gagwe le fodišitšwe.”

Letago go Leina la Gagwe!

112 Bjale, Mošegofatšwa Tate, bjalo ka go kokobela ge re batamela sefapano feela bjale, fao mogau le kgaogelo di nkhweditšego, fao Naledi ya go Kganya ya Moso e abago diphadimo tša Yona go ntikologa. Balwetši ba ba eme ka go Bogona bja Gago. Ba a dumela feela bjale, gore ka tumelo, ba lebelela mokokotlo wola wa megogoma, ka kua. “Gomme ka megogoma ya Gagwe re fodišitšwe.” Tate yo Mokgethwakgethwa, re tla re ipolela tumelo ya rena, re dumela gore O fodiša mebele ya rena ya go babja, ka go re tlaišegela mo go golo ga Morena Jesu. Gomme re neela bakeng sa batho ba ba emego, thapelo ya tumelo, ye O tshepišitšego e tla fodiša molwetši. Gomme rena, mmogo, bjalo ka ngata ya badumedi ba Gago bošegong bjo. O rile, “Kae kapa kae ba babedi goba ba bararo ba kgobokanego, Ke tla ba magareng ga bona.” Gomme re ba kgopelela kgaogelo, gore mogau wa Gago bjale o ka kgwathwa soulo ya bona ya ka garegare, gore se sengwe se tla kgwaparetša tsela tlase botebong; gore ba tla tseba gore Kriste o mo gomme o boletše le bona, o rile, “Ngwana wa Ka, Ke tšere bolwetši bja gago mošola ka Khalibari. Bjale e no lahlela wohle

matshwenyego a gago godimo ga Ka, ka gore ke a go hlokomela.” Gomme a nke ba fodišwe, bohlale bjo bongwe le bjo bongwe go felela, ka gore re e kgopela ka go la Jesu Leina. Amene.

¹¹³ Gomme ge ba dula fase bjale, yo mongwe kgauswi le bona, bea diatla tša gago godimo ga bona, yo mongwe a bego a ba rapelela. Beibele e rile, “Ba tla bea diatla tša bona godimo ga balwetši; ba tla welwa ke maruru.” Morena a šegofatše.

¹¹⁴ Ge ke se phošo, a ga se ka lebelela go monna yo a fodišitšwego mo matšatšing a se makae a go feta, goba Lamorena a se makae a go feta, yo a bego a le sefoa goba se sengwe ka ditsebeng? Ke a bona o ipshina ka kopano bošegong bjo. O nkwa gabotse bjale? Ke mo gobotse. Go a makatša! E no ema ka maoto a gago nakwana feela. Ke ba bakae ba mo elelwago a be a le mo? Gomme o fetile go kgabola mothalo wa thapelo, ba mo tlišitše morago godimo sefaleng, gomme Morena o mo fodišitše le go mo dira a loke. Go šegofatšwe Morena! Ke a go leboga, ngwanešu, ka bopaki bja gago. Bo ka kgona go kgabola ditasene! Eupša a Yena ga a makatše?

¹¹⁵ Bjale, re nyaka go go bona bosasa bošego, ka bonako. Gomme ka gona Lamorena mosong, leselaphutiana. Lamorena morago ga sekgalela, gomme ge le ka kgona go boa morago bakeng sa tirelo ya phodišo Lamorena bošego. Go fihla re kopana, a nke re emeng gomme re opele pina ya rena ya go phatlalala. “Tšea Leina La Jesu Le Wena.”

Tšea Leina la Jesu le wena,
Ngwana wa mahloko le madimabe;
Le tla go fa thabo le khomotšo. . . (Retologa
thwi go dikologa gomme o šišinye diatla bjale
le yo mongwe le yo mongwe.)
Le tšee mogohle o yago.


Leina le bohlokwa, (retologa go dikologa
gomme o šišinye diatla), O, bose bjang!
Kholofelo ya lefase le thabo ya Legodimo;
Leina le bohlokwa, Leina le bohlokwa, O bose
bjang! Bose bjang!
Kholofelo ya lefase le thabo ya Legodimo.

Bjale lebelelang ka tsela ye.

Leineng la Jesu go a inangwa,
Go wa go ikala maotong a Gagwe,
Kgoši ya dikgoši Legodimong re tla Mo rweša
korone,
Ge leeto la rena le fedile.

Leina le bohlokwa, O bose bjang! O bose bjang!
Kholofelo ya lefase le thabo ya Legodimo;
Leina le bohlokwa, O bose bjang! O bose bjang!
Kholofelo ya lefase le thabo ya Legodimo.

¹¹⁶ Bjale elelwang khwaere ya Neville, kgašo ya kothete mosong, WLRP, ka iri ya senyane. Gomme ya Ngwanešu Stricker e tla masomenne tlhano go ya go lesome, Lamorena mosong. Ba be ba sa mo direla theipi morago ga sekgalela se, ka tsogo.

¹¹⁷ Gomme bjale, go fihla re kopana gape, ditšhegofatšo tša Morena di be le lena, ge re inamiša dihlogo tša rena. Gomme ke ya go kgopela mogwera wa ka wa go loka le ngwanešu, Ngwanešu Palmer, go tšwa Macon, Georgia, ge a ka phatlalatša batheeletši ka go lentšu la thapelo, ge re rapela. Ngwanešu Palmer. 

PHETHAGALO NST57-0419

(The Perfection)

MELOKOLO YA TSOŠELETŠO YA PASEKA

Molaetša wo ka Ngwanešu William Marrion Branham, setlogong o abilwe ka Seisimane ka Labohlano le Lebotse mantšiboa, Aporele 19, 1957, mo Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya maknete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org